

唐
音
統
籤

丁籤九十三白居易

之三十六

唐音統籤卷

四百三十五

五言排律六

後集

六十六

七十欠四歲此生那足論每因悲物故還且喜身
存安得頭長黑爭交眼不昏交游成拱木婢僕見
曾孫瘦覺腰金重衰憐鬢雪繁將何理老病應付
與空門

池上早春卽事招夢得

老更驚年改閒先覺日長晴熏榆莢黑春染柳梢
黃雲破山呈色冰融水放光低平穩船舫輕暖好

唐音統籤



卷四百三十五

一

丁

衣裳白角三升榼紅茵六尺牀偶遊難得伴獨醉
不成狂我有中心樂君無外事忙經過莫慵懶相
去兩三坊

沈春欲携酒尋沈四著作先以六韻寄之

病容衰慘澹芳景晚蹉跎無計留春得爭能奈老
何篇章慵報答杯讌喜經過顧我酒狂久負君詩

債多

沈前後惠詩十餘首春來多醉竟未酬答今故云爾

敢辭携綠蟻只願

見青蛾最憶陽關唱真珠一串歌

沈有詞者善唱西出陽關無故

詞人

河南尹李公邀同諸公洛濱禊飲座上作

開成二年三月三日河南尹李待價以人和歲
稔將襖於洛濱前一日徵留守裴令公令公明
日召太子少傅白居易太子賓客蕭籍李仍叔
劉禹錫前中書舍人鄭居中國子司業裴惲河
南少尹李道樞舍部郎中崔胥司封員外郎張
可續駕部員外郎盧言虞部員外郎苗愔和州
刺史裴儔淄州刺史裴洽檢校禮部員外郎楊
曾士四門博士談弘慕等一十五人合宴于舟
中由斗亭歷魏堤抵津橋登臨沂沿白巖及暮
簪組交映歌笑間發前水嬉而後妓樂左筆硯
而右壺觴望之若仙觀者如堵盡熙元之賞極
遊泛之娛美景良辰賞心樂事盡得於今日矣
若不記錄謂洛無人管公首賦一章鏗然玉振
願謂四座繼而和之居易舉酒抽毫奉十二韻
獻以

三月草萋萋黃鶯歇又啼柳橋晴有絮沙路潤無
泥襖事修初畢遊人到欲齊金鈿耀李絲管駭

魚鸞轉岸迴船尾臨流簇馬蹄開於揚子渡蹶破
魏王堤妓接謝公宴詩陪荀令題舟同李膺汎醴
爲穆生携水引春心蕩花牽醉眼迷塵街從鼓動
煙樹任鴉棲舞急紅腰凝歌遲翠黛低夜歸何用
燭新月鳳樓西

感事

服氣崔常侍勝叔燒丹鄭舍人居常期生羽翼那忽
化灰塵每遇淒涼事還思潦倒身唯知趁杯酒不
解鍊金銀睡適三尸性慵安五藏神無憂亦無喜
六十六年春

幽居早秋閒詠

幽僻囂塵外，清涼水木間。
臥風秋拂簟，步月夜開關。
且得身安泰，從他世險難。
但休爭要路，不必入山川。
軒鶴留何用，泉魚放不還。
誰人知此味，臨老十年閒。

和令狐僕射小飲聽阮咸

掩抑復淒清，非琴不是箏。
還彈樂府曲，別占阮家名。
古調何人識，初聞滿座驚。
落盤珠歷歷，搖佩玉琤琤。
似勸杯中物，如含林下情。
時移音律改，豈是昔時聲。

八子系譜
司徒令公分守東洛移鎮北都一心勤王三
月成政形容盛德實在歌詩况辱知音敢不
先唱輒奉五言四十韻寄獻以抒下情

天上中台正人間一品高

中書令上應中
台司徒官一品休明值

堯舜勲業過蕭曹始擅文三捷

進士及第博學
制策連登三科終

兼武六韜動人名赫赫憂國意忉忉盪蔡擒封豕

吳元
濟也平齊斬巨鼉

李師
道也

兩河收土宇四海定波濤

寵重移宮籓

自東都留守
授北京留守

恩新換闔旌保釐東宅

靜

開公召公
東治洛邑

守護北門牢晉國封疆濶并州士馬

豪胡兵驚赤幟邊鴈避鳥號令下流如水仁霑澤

似膏路喧歌五袴軍醉感單醪將校森貔武賓僚
儼雋髦客無煩夜柝吏不犯秋毫神在臺駘助魂
亡檢狃逃德星銷彗孛霖雨滅腥臊烽戍高臨代
關河遠控洮汾雲晴漠漠朔吹冷鸞颺豹尾交衙
戟蚪鬚捧佩刀通天白犀帶照地紫麟袍羌管吹
楊柳燕姬酌蒲萄蒲萄出太原銀合鑿落盞金屑琵琶
槽遙想從軍樂應忘報國勞紫微留此闕中書令
也綠野寄東臯綠野堂在東都午橋莊也忽憶前時會多慙下
客叨清宵陪讌話美景從遊遨花月還同賞琴詩
雅自操朱絃拂宮徵洪筆振風騷近竹開方丈依

林架桔槔春池八九曲畫舫兩三艘徑滑苔粘屐

潭深水沒篙綠絲紫岸柳紅粉映樓桃皆午橋莊中佳境

為穆先陳醴居易每十齋日在會常蒙以二勒湯代酒也招劉共籍糟

劉夢晉也舞鬟金翡翠歌頸玉螭螭盛德終難過明時

豈易遭公雖慕張范張良范蠡帝未捨伊臯眷戀心方

結踟躕首已搔鸞鳳上寥廓燕雀住蓬蒿欲獻文

狂簡徒煩思鬱陶可憐四百字輕重抵鴻毛

和東川楊慕巢尚書府中獨坐感戚在懷見

寄十四韻慕巢家咸安州弟喪逝感已之榮盛有歸洛之意故叙而和之也

我是知君者君今意若何窮通時不定苦樂事相

和東蜀歡殊渥西江歎逝波只緣榮貴極翻使感

傷多行斷風驚鴈

慕巢及楊九揚十年前來兄弟三人各在一處

年侵日

下坡片心休慘戚雙鬢已蹉跎紫綬黃金印青幢
白玉珂老將榮補貼愁用道銷磨外府饒盃酒中
堂有綺羅應須引滿飲何不放任歌錦水通巴峽
香山對洛河將軍馳鐵馬少傅步銅駝深契憐松
竹高情憶薜蘿懸車年甚遠未敢故相過

分司洛中多暇數與諸客宴遊醉後狂吟偶
成十韻因招夢得賓客兼呈思黯奇章公

性與時相遠身將世兩忘寄名朝籍寓興少年

厚古錄
場老豈無談笑貧猶有酒
時求伴侶逐日用
風光數數遊何爽些些病未妨天教榮啓樂人怒
接輿狂喚業爲爲逋客移家住醉鄉不論招夢兼
擬誘奇章要路風波險權門市井忙世間無可戀
不是不思量

小歲日喜談氏外孫女孩滿月

今日夫妻喜他人豈得知自嗟生女晚敢訝見孫
遲物以稀爲貴情因老更慈新年逢吉日滿月乞
名時桂燎熏花果蘭湯洗玉肌懷中有可抱何必
是男兒

訓夢得以予五月長齋延僧徒絕賓友見戲
十韻

賓客懶逢迎，翛然池館清。
簷間空鷲語，林靜未蟬鳴。
葷血還休食，杯觴亦罷傾。
三春多放逸，五月暫修行。
香印朝煙細，紗燈夕焰明。
交游諸長老，師事古先生。
竺乾古先生也禪後心彌寂，齋來體更輕。
不唯忘肉味，兼擬滅風情。
蒙以聲聞待，難將戲論爭。
虛空若有佛，靈運恐先成。

奉和思黯相公以李蘇州所寄太湖石奇狀
絕倫因題二十韻見示兼呈夢得

錯落復崔嵬蒼然玉一堆峯駢仙掌出鱗坼劍門
開峭頂高危矣盤根下壯哉精神欺竹樹氣色壓
亭臺隱起磷磷狀凝成瑟瑟胚廉稜露鋒刃清越
扣瓊瑰爰業行將動巍峩勢欲摧奇應潛鬼怪靈
合蓄雲雷黛潤落新雨斑明點古苔未曾棲烏雀
不肯染塵埃尖削琅玕筴窪剡瑪瑙壘海神移碣
石畫障羨天台在世爲尤物如人負逸才渡江一
葉載入洛五丁推出處雖無意升沉亦有媒媒爲
李蘇
州拔從水府底置向相庭隈對稱吟詩句看宜把
酒杯終隨金礪用不學玉山頽疏傅心偏愛爾公

眼屢迴共嗟無此分虛管太湖來

居易與夢得
典姑蘇而不獲

此石

晚夏閒居絕無賓客欲尋夢得先寄此詩

魚笻朝食飽蕉紗暑復輕欲爲窗下寢先傍水邊
行晴引鶴雙舞秋生蟬一聲無人解相訪有酒共
誰傾老更諳時事閒多見物情只應劉與白二叟
自相迎

三年琴隨事鋪設小堂寢處稍以應爇因念
衰病偶吟所懷

小宅非全陋中堂不甚卑聊堪會親族足以貯妻

兒煖帳迎冬設溫爐向夜施裘新青兔褐襪軟白
猿皮似鹿眠深草如雞宿穩枝逐身安衲席隨事
有屏帷病致衰殘早貧營活計遲由來驚老後方
是鬪成時

自罷河南已換七尹每一入府悵然舊遊因
宿內廳偶題西壁兼呈韋尹常侍

每入河南府依然似到家杯嘗七尹酒

七尹酒味不同備嘗

之樹看十年花

即府中新菓花

且健須歡喜雖衰莫歎嗟

迎門無故吏侍坐有新娃暖閣謀宵宴寒庭放晚
衙主人留宿定一任夕陽斜

書事詠懷

官俸將生計雖貧豈敢嫌金多輸陸買酒足勝陶

潛

陶潛詩云常苦酒不足

牀爰僧敷坐樓晴妓卷簾日遭齋

破用

每月常持十齋

春賴閨加添

是年閏正月也

老向歡彌切狂

於飲不廉十年閒未足亦恐涉無厭

時熱少客因詠所懷

冠櫛心多懶逢迎興漸微况當時甚熱幸遇客來
稀濕灑池邊地涼開竹下扉露牀青篾簟風架白
蕉衣院靜留僧宿樓空放妓歸衰殘強歡宴此事
久知非

雪朝乘興欲請李司徒留守先以五韻戲之
夜寒生酒思晚雪引詩情熱飲一兩盞冷吟三五
聲鋪花連地凍銷玉畏天晴好拂烏巾出宜披鶴
氅行梁園應有興何不召鄒生

春池閒汎

綠塘新水平紅檻小舟輕解纜隨風去開襟信意
行淺憐清演漾深愛綠泓澄白撲柳飛絮紅浮桃
落英古文科斗出新葉剪刀生樹集鷺朋友雲行
鷗弟兄飛沉皆適性酬詠自怡情花助銀盃器松
添玉軫聲魚躍何事樂鷗起復誰驚莫唱滄浪曲

無塵可濯纓

閒居自題戲招宿客

水畔竹林邊閒居二十年
健常携酒出病卽掩門
眠解綬收朝佩囊出野船
屏除身外物擺落世間緣
報曙牕何早知秋簟最先
綴風深樹裏斜日小樓前
渠口添新石籬根寫亂泉
欲招同宿客誰

解愛潺湲

西亭牆下
泉石有聲

寄題餘杭郡樓兼呈裴使君

官歷二十政宦遊三十秋
江山與風月最憶是杭
州北郭沙堤尾西湖石岸頭
綠觴春送客紅燭夜

迴舟不敢言遺愛空知念舊遊憑君吟此句題向
望濤樓

對新家醞翫自種花

香麴親看造芳叢手自栽迎春酒熟老看花
開紅蠟半含萼綠油新醱醅玲瓏五六樹激灑兩
三盃恐有狂風起愁無好客來獨酌還獨語待取
月明迴

醉中得上都親友書以予停俸多時憂問貧
乏偶乘酒興詠而報之

頭白醉昏昏狂歌秋復春一生耽酒客五度棄

人

蘇州刑部侍郎河南尹同州刺史太子少傅皆以病免也

異世陶元亮前生

劉伯倫臥將琴作枕行以鋪隨身歲要衣三對年
支穀一困園葵烹佐飯秋葉掃添薪沒齒甘蔬食
搖頭謝縉紳自能拋爵祿終不惱交親但得盃中
滌從生甑上塵煩君問生計憂醒不憂貧

昨日復今辰

昨日復今辰悠悠七十春所經多故處却想似前
身散秩優游老閒居清淨貧螺盃中有物鶴髦上
無塵解佩收朝帶抽簪換野巾風儀與名號別是
一世人

不與老爲期

不與老爲期因何兩鬢絲纔應免天促便已及衰
羸昨夜夢何在明朝身不知百憂非我所三樂是
吾師閉日常閒坐低頭每靜思存神機慮息養氣
語言遲行亦携詩篋眠多枕酒卮自慙無一事少
有不安時

獨作寄朗之

歷想爲官日無如刺史時歡娛接賓客飽暖及妻
兒自到東都後安閒更得宜分司勝刺史致仕勝
分司何況園林下欣然得朗之仰名同舊識爲樂

印新知有雪先相訪無花不作期
鬪釀乾釀酒誇
妙細吟詩里巷千來往都門五別離
岐分兩迴首
書到一開眉
葉落槐亭院水生竹閣池
雀羅誰問
訊鶴壑罷追隨身與心俱病容將力共衰老來多
健忘唯不忘相思

齋居春久感事遣懷

齋戒坐三旬
笙歌發四鄰
月明停酒夜
眼開看花
人懶學空爲
觀深知念是
塵猶思閒語
笑未忘舊
交親
久作龍門主
多爲兔苑賓
水嬉歌盡日
雪宴
燭通晨事事
皆過分
時時自問身
風光拋得也
七

十四年春

閒居貧活計

冠蓋閒居少簞瓢，陋巷深稱家。聞戶爨量力置園，
林儉薄身都慣，營爲力不任。飽烹一斤肉，暖臥兩
重衾。樽有陶潛酒，囊無陸賈金。莫嫌貧活計，更富
卽勞心。

和李相公留守題漕上新橋六韻

別用
韻字

選石鋪新路，安橋壓古堤。假從銀漢下，落傍玉川
西。影定欄杆倒，標高華表齊。烟開紅半見，月冷鶴
雙棲。材映夔龍小，功嫌元凱低。從容濟世後，餘力

及黔黎

喜老自嘲

面黑頭雪白自嫌還自憐
毛龜著下老端蝮鼠中
仙名籍同逋客衣裳類古賢
裘輕被白氈靴煖踣
烏甕周易休開卦陶琴不上絃
任從人棄擲自與
我周旋鐵馬因疲退鉛刀以鈍全
行開第八秩可

謂盡天年

時俗七十已上
謂開第八秩

自詠老身示諸家屬

壽及七十五俸霑五十千
夫妻偕老日甥姪聚居
年粥美甞新米袍溫換故綿
家居雖濩洛眷屬幸

團圓置榻素屏下移爐青帳前書聽子孫讀湯看
侍兒煎走筆還詩債抽衣當藥錢支分閒事了爬
背向陽眠

齋居偶作

童子裝爐火行添一炷香老翁持麈尾坐拂半張
牀卷幔看天色移齋近日陽其鮮新餠果穩暖舊
衣裳止足安生理優閒樂性場是非一以遣動靜
百無妨豈有物相累兼無情可忘不須憂老病心
是自醫王

窗中列遠岫詩

題中以平聲爲韻

天靜秋山好，牕開曉翠通。
遙憐峯窈窕，不隔竹朦朧。
隴萬點當虛室，千重疊遠空。
列簷攬秀氣，緣隙助清風。
碧愛新暗後，明宜反照中。
宣城郡齋在望，與古時同。

玉水記方流詩

以流字爲韻
六十字成

良璞含章久，水泉徹底幽。
矩浮光灑灑，方折浪悠悠。
條凌亂波紋，異紫迴水性。
柔似風搖淺，瀨疑月落清流。
潛潏應傍達，藏真豈上浮。
玉人如不記，淪棄卽千秋。

江南喜逢蕭九徹因話長安舊遊戲贈

唐音統籤

卷四百三十五

十三

丁

韻

才調
集補

憶昔嬉遊伴多陪歡宴場寓居同永樂幽會共平
康師子尋前曲聲兒出內坊花深態奴宅竹錯得
憐堂庭晚開紅藥門閑蔭綠楊經迥悉同巷居處
盡連牆時世高梳髻風流澹伴粧戴花紅石竹幘
暈紫檳榔鬢動懸蟬翼釵垂小鳳行拂胸輕粉絮
暖手小香囊選勝移銀燭邀歡舉玉觴爐煙凝麝
氣酒色注鴛黃急管停還奏繁絃慢更張雲飛迴
舞袖塵起繞歌梁舊曲翻調笑新聲打義揚名情
推阿鞞巧語許秋孃風煖春將暮星迴夜未央宴

餘添粉黛坐久換衣裳結伴歸深院分頭入洞房
綵帷開翡翠羅薦拂鴛鴦留宿爭牽袖貪眠各占
床綠窗籠水影紅壁背燈光索鏡收花鈿邀人解
袷襜暗嬌粧鬢笑私語口脂香怕曉聽鐘坐羞明
映繖藏眉殘蛾翠淺鬟解綠雲長聚散知無定愛
歡事不常離筵開夕宴別騎促晨裝去住青門外
留連漣水傍車行遙寄語馬駐共相望雲雨分何
處山川各異方野行初寂寞店宿乍恹惶別後嫌
宵永愁來厭歲芳幾看花結子頻見露爲霜歲月
何超忽音容坐渺茫還書斷絕來去夢遊揚自

我辭秦地逢君客，楚鄉常嗟異岐路。
忽喜共舟航，話舊堪垂淚。思鄉數斷腸，
愁雲接巫峽。淚竹近瀟湘，月落江湖濶。
天高節候涼，浦深煙渺渺。沙冷月蒼蒼，
紅葉江楓老。青蕪驛路荒，野風吹蟋蟀。
湖水浸菰蔣，帝路何由見。心期不可忘，
舊遊千里外。往事十年強，春晝提壺飲。
秋林摘橘嘗，強歌還自感。縱酒不成狂，
永夜長相憶。逢君各共傷，殷勤萬里意。
併寫贈蕭郎。

酬令狐留守尚書見贈十韻

以下二首錢太史家本補

長慶清風在，夔龍燮理餘。太和膏雨降，周邵保登

初嵩少當宮署伊瀍入禁渠曉關開玉兔夕鑰納
銀魚舊眷憐移疾新吟念索居離聲雙白鶴行色
一籃輦罷免無餘俸休閒有獎廬慵於嵇叔夜渴
似馬相如酒每蒙酷我詩鄭發云酷
實也音沽詩嘗許起予
洛中歸計定一半爲尚書

聽蘆管

幽咽新蘆管淒涼古竹枝似臨猿峽唱疑在鴈門
吹調爲高多切聲緣小乍遲躡豪嫌戚簾細妙勝
參差雲水巴童客風沙隴上兒屈原收淚夜蘇武
斷腸時仰秣胡駒聽驚棲越鳥知何言胡越異聞

此
同
悲

丁籤九十三白居易

之二十七

唐音統籤卷

四百三十六

七言律詩

長慶前集

酬哥舒大見贈

去年與哥舒等八人同登科第今叙會散之意

去歲遊歡何處去

一作好

曲江西岍杏園東花下忘

歸因美景樽前勸酒是春風各從微宦風塵裏共
度流年離別中今日相逢愁又喜八人分散兩人

同

和談校書秋夜感懷呈朝中親友

遙夜涼風楚客悲清砧繁漏月高時秋霜似鬢年
空長春草如袍位尚卑詞賦擅名來已久煙霄得

路去何遲漢庭卿相皆知已不薦楊雄欲薦誰

春中與盧四周鯨華陽觀同居

性情懶慢好相親門巷蕭條稱作鄰背燭共憐深夜月
蹋花同惜少年春杏壇住僻雖宜病芸閣官微不救貧
文行如君尚憔悴不知霄漢待何人

自城東至以詩代書戲招李六拾遺崔二十

六先輩

青門走馬趁心期惆悵歸來已校遲應過唐昌玉
藥後猶當崇敬牡丹時暫遊還憶崔先輩欲醉先
邀李拾遺尚殘半片芸香條不作歸糧作酒貲

自河南經亂關內阻飢兄弟離散各在一處
因望月有感聊書所懷寄上浮梁大兄於潛
七兄烏江十五兄兼示符離及下邳弟妹

時難年荒世業空弟兄羈旅各西東
田園寥落干戈後骨肉流離道路中
弔影分爲千里鴈辭根散作九秋蓬
共看明月應垂淚一夜鄉心五處同

送王十八歸山寄題仙遊寺

曾於太白峰前住數到仙遊寺裏來
黑水澄時潭底出白雲破處洞門開
林間燒酒燒紅葉石上題詩掃綠苔
惆悵舊遊無復到菊花時節美君迴

八月十五日夜禁中獨直對月憶元九

銀臺金闕夕沉沉，獨宿相思在翰林。
三五夜中新月色，二千里外故人心。
清宮東面煙波冷，洛殿西頭鐘漏深。
猶恐清光不同見，江陵卑濕足秋陰。

庾順之以紫霞綺遠贈以詩答之

千里故人心鄭重，一端香綺紫氛氲。
開緘日映晚霞色，滿幅風生秋水紋。
爲褥欲裁憐葉破，製裘將翦惜花分。
不如縫作合歡被，寤寐相思如對君。

聞微之江陵臥病以大通中散碧腴垂雲膏

寄之因題四韻

已題一帖紅消散又封一合碧雲英憑人寄向江
陵去道路迢迢一月程未必能治江上瘴且圖還
慰病中情到時想得君拈得枕上開看眼蹙明

八月十五日夜聞崔大員外翰林獨直對酒
玩月因懷禁中清景偶題是詩

秋月空懸高碧外仙郎靜翫禁闈間歲中唯有今
宵好海內無如此地閒皓色分明雙闕勝清光深
到九門關遙聞獨醉還惆悵不見金波照玉山

宴周皓大夫光福宅

盧士作

何處風光最可憐妓堂階下柳臺前軒車擁路光

照地絲管入門聲沸天綠蕙不香饒桂酒紅櫻無
色讓花鈿野人不敢求他事唯借泉聲伴醉眠

答馬侍御見贈

謬入金門侍玉除煩君問我意何如
蟠水詭甚明主用籠禽徒與故人踈
苑花似雪同隨鸞宮月如眉伴直廬
淺薄求賢恩自代嵇康莫寄絕交書

和元微之南秦雪

往歲曾爲西邑吏慣從駱口到南秦
三時雲冷多飛雪二月山寒少有春
我思舊事猶惆悵君作初行定苦辛
仍賴愁猿寒不叫若聞猿叫更愁人

又和江樓月

江曲曲江池明月雖同人別離一宵光景潛
相憶兩地陰晴遠不知誰料江邊懷我夜正當池
畔望君時今朝共語方同悔不解多情先寄詩

答謝家最小偏憐女感元九悼亡詩因爲代
答

得梁鴻六七年耽書愛酒日高眠雨荒春圃唯
生草雪壓朝厨未有煙身病憂來緣女少家貧志
却爲夫賢誰知厚俸今無分在向秋風吹紙錢

和元九與呂二同宿話舊感贈

見君新贈呂君詩憶得同年行樂時爭入杏園齊
馬首潛過柳曲鬪蛾眉八人雲散俱遊宦七度花
開盡別離聞道秋娘猶且在至今時復問微之

眼暗

早年勤倦看書苦晚歲悲傷出淚多眼損不知都
自取病成方悟欲如何夜昏乍似燈將滅朝闇長
疑鏡未磨千藥萬方治不得唯應閉目學頭陀

村居寄張衡

金氏村中一病夫生涯濩落性靈迂唯看老子五
千字不蹋長安十二衢藥銚夜傾殘酒爨竹床寒

取舊氈鋪聞君欲發江東
到茅菴訪別無

渭村酬李二十見寄

百里音書何太遲
暮秋把得暮春詩
柳條綠日君相憶
梨葉紅時我始知
莫歎學官貧
冷落猶勝村客病
支離形容意緒遙
看取不似華陽觀裏時

初授贊善大夫早朝寄李二十助教

病身初謁青宮日
衰貌新垂白髮年
寂寞會司非熱地
蕭條風雪是寒天
遠在早起常侵鼓
瘦馬行遲苦費鞭
一種共君官職冷
不如猶得日高眠

欲與元八卜隣先有是贈

平生心迹最相親，欲隱墻東不爲身。明月好同三
徑夜，綠楊宜作兩家春。每因暫出猶思伴，豈得安
居不擇隣。何獨終身數相見，子孫長作隔墻人。

廣宣上人，以應制詩見示，因及此。

人居安國寺紅樓院，以詩寄我。
道林談論惠休詩，一到人天笑作狂。香積筵承紫
泥詔，昭陽歌唱碧雲詞。紅樓許住請銀鑰，翠輦陪
行蹋玉墀。惆悵甘泉曾侍從，與君前後不同時。

重過秘書舊房，因題長句。

時爲贊善大夫

閣前下馬思徘徊，第二房門手自開。昔爲白面書

郎去今作蒼頭贊善來
吏人不識多新補
松竹相親是舊栽
應有題牆名姓在
試將衫袖拂塵埃

重傷小女子

學人言語憑床行
嫩似花房脆似瓊
纔知思愛迎三歲
未辨東西過一生
汝異下鴉應殺禮
吾非上聖詎忘情
傷心自歎鳩巢拙
長墮春雛養不成

過顏處士墓

向墳道徑沒荒榛
滿室詩書積闌塵
長夜肯教黃壤曉
悲風不許白楊春
簞瓢顏子生仍促
布被黔婁死更貧
未會悠悠上天意
惜將富壽與何人

病中早春

今朝枕上覺頭輕，強起堦前試脚行。
羸臆斷來無氣力，風殘惱得少心情。
煖銷霜瓦津初合，寒減冰渠凍不成。
唯有愁人鬢間雪，不隨春盡逐春生。

送人貶信州判官

地僻山深古上饒，土風貧薄道程遙。
不唯遷客須恓屑，見說居人也寂寥。
溪畔毒沙藏水弩，城頭枯樹下山魘。
先彫切若於此郡爲卑吏，刺史廳前又折腰。

曲江醉後贈諸親故

郭東丘墓何年客江畔風光幾日春只合殷勤逐
杯酒不須踈索向交親中天或有長生藥下界應
無不死人除却醉來開口笑世間何事更關身

李十一舍人松園飲小酌酒得元八侍御詩
敘云在臺中推院有鞠獄之苦卽事書懷因

酬四韻

愛酒舍人開小酌能文御史寄新詩亂松園裏醉
相憶古栢廳前忙不知早夏我當逃暑日晚衙君
是慮囚時唯應清夜無公事新草亭中好一期

元於

升平宅
立草亭

贈楊秘書巨源

楊嘗有贈洛州詩云三刀夢益州一箭取遼

早聞一箭取遼城相識雖新有故情清句三朝誰是敵白鬚四海半爲兒貧家薤草時時入瘦馬尋花處處行不用更教詩過好折君官職是聲名

微之到通州日授館未安見塵壁間有數行字讀之卽僕舊詩其落句云綠水紅蓮一朵開千花百草無顏色然不知題者何人也微之吟歎不足因綴一章兼錄僕詩本同寄省其詩乃是十五年前初及第時贈長安妓人阿軟絕句緬思往事杳若夢中懷舊感今因

酬長句

十五年前似夢游，曾將詩句結風流。
偶助笑歌嘲阿軟，可知傳誦到通州。
昔教紅袖佳人唱，今遣青衫司馬愁。
惆悵又聞題處所，雨淋江館破牆頭。

得徵之到官後書，備知通州之事，悵然有感。
因成四章。

來書子細說通州，州在山根峽岸頭。
四面千重火雲合，中心一道瘴江流。
蟲蛇白晝攔官道，蚊蚋黃昏撲郡樓。
何罪遣君居此地，天高無處問來由。
匡廬巔山萬仞餘，人家應似甑中居。
年籬下多

逢虎亥日沙頭始賣魚
衣斑梅雨長須熨米澀會

田不解鋤努力安心過三考
已曾愁殺李尚書

李實

尚書先照此州
身歿下彼處

人稀地僻醫巫少
夏旱秋霖瘴瘧多
老去一身須

愛惜別來四體得如何
侏儒飽笑東方朔
惹以讒
憂馬伏波莫遣沈
愁結成病時時一唱濯纓歌

通州海內恓惶地
司馬人間冗長官
傷烏有弦驚
不定臥龍無水動
應難劍埋獄底誰深掘
松偃霜
中盡冷看舉目爭能
不惆悵高車大馬滿長安

白口阻風十日

浪濤白浪塞江津處處遭迴事事逆世上方爲失
送客江頭又作阻風人魚鰕遇雨腥盈鼻蚊蚋和
煙癢滿身老大光陰能幾日等閒口口坐經旬

盧侍御與崔評事爲予于黃鶴樓致宴宴罷

同望

江邊黃鶴古時樓勞致華筵待我遊楚思森茫雲
水冷商聲清脆管絃秋白花浪濺頭陀寺紅葉林
籠鸚鵡洲揔是平生未行處醉來堪賞醒堪愁

舟行阻風寄李十一舍人

扁舟厭泊煙波上輕策閒尋浦嶼間虎蹋青泥稠

似印風吹白浪大於山且愁江郡何時到敢望京
都幾歲還今日料君朝退後近寒新耐煖開顏李好
小耐酒
故云

題王處士郊居

半依雲渚半依山愛此令人不欲還負郭田園八
九頃向陽茅屋兩三間寒松縱老風標在野鶴雖
飢飲啄閒一臥江村來早晚著書盈帙鬢毛斑

歲晚旅望

朝來暮去星霜換陰慘陽舒氣序牽萬物秋霜能
壞色四時冬日最凋年煙波半露新沙地烏雀群

飛欲雪天向晚蒼蒼南北望窮陰離思兩無邊

晏坐閒吟

昔爲京洛聲華客今作江湖潦倒翁意氣銷磨羣
動裏形骸變化百年中霜侵殘鬢無多黑酒伴衰
顏只覩紅賴學禪門非想定千愁萬念一時空

放言五首

并序

元九在江陵時有放言長句詩五首韻高而體
律意古而詞新予每誦之甚覺有味雖前輩深
于詩者未有此作唯李頗有云濟水至清河自
濁周公大聖接宜狂斯句近之矣予出左尋陽
未屆所任舟中多暇又江上
獨吟因綴五篇以續其意耳

朝真暮僞何人辯古往今來底事無但愛莊生能

詐聖可知窳子解佯愚草螢有耀終非大荷露雖
團豈是珠不取燔柴兼照素可憐光彩亦何殊

世途倚伏都無定塵網牽纏卒未休禍福迴還車
轉轂榮枯反覆手藏鈎龜靈未免剗腸患馬失應
無折足憂不信君看奕碁者輸贏須待局終頭

贈君一法決狐疑不用鑽龜與祝蓍試玉要燒三

日滿

真玉燒三日不熱

辨材須待七年期

豫章木生七年而後知

周

公恐懼流言日王莽謙恭未篡時向使當時身便
死一生真偽復誰知

誰家第宅成還破何處親賓哭復歌昨日屋頭堪

炙手今朝門外好張羅北邙未省留閑地東海何
曾有定波莫笑賤貧誇富貴共成枯骨兩如何
泰山不要欺毫末顏子無心羨老彭松樹千年終
是朽槿花一日自爲榮何須戀世常憂死亦莫嫌
身漫厭生生去死來都是匆匆人哀樂繫何情

獨樹浦雨夜寄李六郎中

忽憶兩家同里巷何曾一處不追隨閑遊預筭分
朝日靜語多同待漏時花下放狂衝黑飲燈前起
坐徹明碁可知風雨孤舟夜蘆葦叢中作此詩

初到江州

潯陽欲到思無窮，庾亮樓南溢口東。
樹木凋疎山雨後，人家低濕水煙中。
菰蔣餒馬行無方，蓬萊編房臥有風。
遙見朱輪來出郭，相迎勞勳使君公。

醉後題李馬二妓

行搖雲髻花鈿節，應似霓裳趁管絃。
艷動舞裙渾是火，愁凝歌黛欲生煙。
有風縱道能迴雪，無水何由忽吐蓮。
疑是兩般心未決，雨中神女月中仙。

初到江州寄翰林張李杜三學士

早攀霄漢上天衢，晚落風波委世途。
雨露施恩無厚薄，蓬蒿隨分有榮枯。
傷禽側翅驚弓箭，老婦低

顏事舅姑碧落三仙曾識面年深記得姓名無

庾樓曉望

獨憑朱檻立凌晨山色初明水色新竹霧曉籠銜
嶺月蘋風爇送過江春子城陰處猶殘雪衙鼓聲
前未有塵三百年來庾樓上曾經多少望鄉人

江樓宴別

樓中別曲催離酌燈下紅裙闌綠袍縹緲楚風羅
綺薄錚鏦越調管絃高寒流帶月澄如鏡夕吹和
霜利似刀樽酒未空歡未盡舞腰歌袖莫辭勞

題山石榴花

一叢千朵壓欄干，翦碎紅綃，却作團風嫋舞。腰香不盡，露銷粧臉，淚新乾。薔薇帶刺攀應懶，茵茵生泥，翫亦難爭及此。花簷戶下，任人採弄，盡人看。

北樓送客歸上都

憑高眺遠，一悽悽，却下朱欄手。共携京洛人歸，天直北，江樓客散。日平西，長津欲渡，迴船尾，殘酒重傾。簇馬蹄不獨別，君須強飲，窮愁自要醉如泥。

北亭招客

踈散郡丞，同野客，幽閒官舍。抵山家，春風北戶，千莖竹，晚日東園。一樹花小，寒吹暗嘗冷酒，深爐敲

火炙新茶能來盡日觀碁否太守知慵放晚衙

宿西林寺早起東林滿上人之會因寄崔二

十二員外

謫辭魏闕鷓鴣隔老入廬山麋鹿隨薄暮蕭條投
寺宿凌晨清淨與僧期雙林我起聞鐘後隻日君
趨入閣時鵬鷁高低分皆定莫勞心力遠相思

早春聞提壺鳥因題鄰家

厭聽秋猿催下
春鳥勸提壺誰家紅樹先
花發何處青樓有酒沽進士羅豪尋靜盡拾遺風
彩近都無欲期明日東林醉變作騰騰一俗夫

題元八溪居

溪嵐漠漠樹重重水檻山牖次第逢晚葉尚開紅
躑躅秋芳初結白芙蓉聲來枕上千年鶴影落杯中
五老峰更愧殷勤留客意魚鮮飯細酒香濃

端居詠懷

賈生俟罪心相似張翰思歸事不如斜日早知驚
鵬鳥秋風悔不憶鱸魚胸襟曾貯匡時策懷袖猶
殘諫獵書從此萬緣都擺落欲携妻子買山居

丁籤三十九白居易

之二十八

唐音統籤卷

四百三十七

七言律詩二

長慶前集

夜宿江浦聞元八改官因寄此詩

君遊丹陛已三遷我汎滄浪欲二年
劍珮曉趨雙鳳闕煙波夜宿一漁船
父親盡在青雲上鄉國遙拋白日邊
若報生涯應笑役結茅栽芋種畝田

送客之湖南

年年漸見南方物事事堪傷
北客情山鬼趨跳唯
一足峽猿哀過三聲帆開青草湖中去衣濕黃
梅雨裏行別後雙魚難定寄近來斷不到湓城

百花亭晚望夜歸

百花亭上晚徘徊，雲影陰晴掩復開。
日色悠揚映山盡，雨聲蕭颯渡江來。
髣髴病變如雪心，緒逢秋一似灰。
向夜欲歸愁未了，滿湖明月小船迴。

寄李相公崔侍郎錢舍人

曾陪鶴馭兩三仙，親侍龍輿四五年。
天上歡華春有限，世間漂泊海無邊。
榮枯事過都成夢，憂喜心忘便是禪。
官滿更歸何處去，香爐峰在宅門前。

尋王道士藥堂因有題贈

行行竟與綠松嶠，步步尋花到杏壇。
白石先生小

有洞黃芽姪女大還丹常悲東郭千家塚欲乞西山五色丸但恐長生須有籍仙臺試爲檢名看

元和十三年淮寇未平詔停歲仗憤然有感
率爾成章

聞停歲仗軫皇情應爲淮西寇未平不分氣從歌裏發無明心向酒中生慮計忽思飛短檝狂心便欲請長纓從來妄動多如此自笑何曾得事成

憶微之

與君何日出屯蒙魚戀江湖鳥厭籠分手各拋滄海畔折腰俱老綠衫中三年隔濶音塵斷兩地飄

零氣味同又被新年勸相憶柳條黃軟欲春風

寒食江畔

草香沙煖水雲晴風景令人憶帝京
選似往年春氣味不宜今日病
心情聞鶯樹下沉吟立信馬江
頭取次行忽見紫桐花
悵望下邳明日是清明

聞李六景儉自河東令授唐鄧行軍司馬以詩賀之

誰能淮上靜風波聞道河東應此科
不獨文詞供奏記定將談笑解兵戈
泥埋劍戟終難久水借蛟龍何在多
四十著緋軍司馬男兒官職未蹉跎

石榴樹

可憐顏色好陰涼葉剪紅牋花撲霜傘蓋低垂金
翡翠薰籠亂搭繡衣裳春芽細炷千燈焰夏藥濃
焚百和香見說上林無此樹只教桃柳一作李占年

芳

詠懷

自從委任順浮沉漸覺年多功用深面上減除憂
喜色胸中消盡是非心妻兒不問唯耽酒冠帶皆
慵只抱琴長笑靈均不知命江籬叢畔苦悲吟

香爐峯下新卜山居草堂初成偶題東壁五

首

五架三間新草堂石堦桂柱竹編牆南簷納日冬
天煖北戶迎風夏月涼酒砌飛泉纔有點拂窓斜
竹不成行來春更葺東廂屋紙開蘆簾著孟光
喜入山林初息影厭趨朝市久勞生早年薄有煙
霞志歲晚深諳世俗情已許虎溪雲裏臥不爭龍
尾道前行從茲耳界應清淨免見啾啾毀譽聲
長松樹下小溪頭斑鹿胎巾白布裘藥圃茶園爲
產業野麋林鶴是交游雲生澗戶衣裳潤嵐隱山
厨火燭幽最愛一泉新引得清泠屈曲遶堦流

日高睡足猶慵起小閣重裘不怕寒遺愛寺泉
枕聽香爐峰雪撥簾看匡廬便是逃名地司馬仍
爲送老官心泰身寧是歸處故鄉何獨在長安
宦途自此心長別世事從今口不言豈止形骸同
土木兼將壽夭任乾坤胸中壯氣猶須遣身外浮
雲何足論還有一條遺恨事高家門館未酬恩

正月十五日夜東林寺學禪偶懷藍田楊主
簿因呈智禪師

新年三五東林夕星漢迢迢鐘梵進花縣當君行
樂夜松房是我坐禪時忽看月滿還相憶始歎春

來自不知不覺定中微念起明朝更問雁門師

江亭夕望

憑高遠望思悠悠
晚上江亭夜未迴
日欲沒時紅浪沸
月初生處白煙開
辭枝雪蘂將春去
滿鑷霜毛送老來
爭敢三年作歸計
心知不及賈生才

酬元員外三月三十日慈恩寺相憶見寄

悵望慈恩三月盡
紫桐花落鳥關關
誠知曲水春相憶
其柰長沙老未還
赤嶺猿聲催白首
黃茅瘴嶺換朱顏
誰言南國無霜雪
盡在愁人髣髴間

中秋月

萬里清光不可思，添愁益恨遠天涯。
誰人隴外久征戍，何處庭前新別離。
失寵故姬歸院夜，沒蕃老將上樓時。
照他幾許人腸斷，玉兔銀蟾遠不知。

謝李六郎中寄蜀茶

故情周匝向交親，新茗分張及病身。
紅紙一封書後信，綠芽十片火前春。
湯添勺水煎魚眼，末下刀圭攪麴塵。
不寄他人先寄我，應緣我是別茶人。

酬贈李鍊師見招

幾年司諫直承明，今日求真禮上清。
曾犯龍鱗容不死，欲騎鶴背覓長生。
劉綱有婦仙同得，伯道無

兒累更輕若許移家相近住便驅雞犬上層城

登西樓憶行簡

每因樓上西南望始覺人間道路長
礙日暮山青簇簇浸秋水
白茫茫風波不見三年面
書信難傳萬里腸
早晚東歸來下峽
穩乘船舫過瞿塘

昭君怨

明妃風貌最娉婷合在椒房應四星
只得當年備宮掖何曾專夜奉
幃屏見疎從道迷圖畫知屈那
教配虜庭自是君恩薄如紙

一作命甲如紙薄

不須一向

辰丹青

編集拙詩成一十五卷因題卷末戲贈元九

李二十

一篇長恨有風情十首秦吟近正聲每被老元偷

格律

元九向江陵日嘗以拙詩一軸贈行自後格變

苦教短李伏歌行

李

十常自負歌行近見子樂府五十首默然心伏

世間富貴應無分身後文

章合有名莫怪氣麤言語大新排十五卷詩成

元九以綠絲布白輕襖見寄製成衣服以詩

報知

綠絲文布素輕襖珍重京華手自封貧友遠勞君
寄附病妻親爲我裁縫袴花白侶秋雲薄衫色青

於春草濃欲著却休知不稱折腰無復舊形容

九江春望

淼茫積水非吾土飄泊浮萍自我身身外信緣爲
活計眼前隨事覓交親爐煙豈異終南色溢草寧
殊渭北春此地何妨便終老譬如元是九江人

峰上多煙溢水岍
邊有草因而記之

自題

功名宿昔人多許寵辱斯須自不知一旦失恩先
左降三年隨例未量移馬頭覓角生何日石火敲
光住幾時前事是身俱若此空門不去欲何之

尋郭道士不遇

郡中乞假來相訪，洞裏朝元去不逢。
看院祇留雙白鶴，入門惟見一青松。
藥爐有火丹應伏，雲碓無人水自舂。
欲問參同契中事，更期何日得從容。

人水自舂

盧山中雲母多故以水碓舂，踈俗呼爲雲碓。

欲問參同契中

潯陽春三首

元和十二年作

春生

春生何處闌周游，海角天涯遍始休。
先遣和風報消息，續教啼鳥說來由。
展張草色長河畔，點綴花房小樹頭。
若到故園應覓我，爲傳淪落在江州。

春來

春來觸動故鄉情
忽見風光憶兩京
金谷蹋花香
騎入曲江碾草
鈿車行
誰家綠酒歡連夜
何處紅樓睡
失明獨有不眠不醉
客經春冷坐古湓城

春去

一從澤畔爲遷客
兩度江頭送暮春
白髮更添今日鬢
青衫不改去年身
百川未有回流水
一老終無却少人
四十六時三月盡
送春爭得不殷勤

得行簡書聞欲下峽先以此寄

朝來又得東川信
欲取春初發梓州
書報九江開

斲喜路經三峽想還愁瀟湘瘴霧加食飯滯瀕驚
波穩泊舟欲寄兩行迎爾淚長江不肯向西流

南湖早春

風迴雲斷雨初晴返照湖邊暖復明亂點碎紅山
杏發平鋪新綠水蘋生翅低白雁飛仍重舌澁黃
鸝語未成不道江南春不好年年衰病減心情

元十八從事南海欲出廬山臨別舊居有戀
泉聲之什因以投和兼伸別情

賢侯辟士禮從容莫戀泉聲問所從雨露初承黃
紙詔煙霞欲別紫霄峰傷弓未息新驚鳥得水難

留久卧龍我正退藏君變化一杯可易得相逢

遣懷

羲和走馭趁年光不許人間日月長遂使四時都似電爭教兩鬢不成霜榮銷枯去無非命壯盡衰來亦是常已共身心要約定窮通生死不驚忙

閒意

不爭榮耀任沉淪日與時踈共道親北省朋僚音信斷東林長老往還頻病停夜食閒如社慵擁朝裘煖似春漸老漸諳閒氣味終身不擬作忙人

山枇杷

深山老子惜年華，况對東溪野枇杷。火樹風來翻絳豔，瓊枝日出晒紅紗。回看桃李都無色，映得芙蓉不是花。爭柰結根深，石底無因移得到人家。

聞李尚書拜相因以長句寄賀微之

憐君不久在通川，知己新提造化權。夔尚定求才濟世，張雷應辨氣衝天。那知淪落天涯日，正是陶鈞海內年。肯向泥中拋折劍，不收重鑄作龍泉。

歲暮

窮陰急景坐相催，壯齒韶顏去不回。舊病重因年老發，新愁多是夜長來。膏明自爇緣多事，雁默先

京爲不才禍福細尋無會處不如且進手中杯

雨中赴劉十九二林之期及到寺劉已先去
因以四韻寄之

雲中臺殿泥中路旣阻同遊懶却還將謂獨愁猶
對雨不知多興已尋山纔應行到千峰裏只校來
遲半日間最惜杜鵑花爛熳春風吹盡不同攀

薔薇正開春酒初熟因招劉十九張大夫崔
二十四同飲

甕頭竹葉經春熟塔底薔薇入夏開似火淺深紅
壓架如飴氣味綠粘臺試將詩句相招去倘有風

情或可來朝日早花應更好心期同醉邸時杯

風雨夜泊

苦竹林邊蘆葦叢停舟一望思無窮青苔撲地連
春雨白浪掀天盡日風忽忽百年行欲半茫茫萬
事坐成空此生飄蕩何時定一縷鴻毛天地中

寄微之

帝城行樂日紛紛天畔窮愁我與君秦女笑歌春
不見巴猿啼哭夜長聞何處琵琶絃似語誰家倭
墮髻如雲人生多少歡娛事那獨千分無一分

答元八郎中楊十二博士

身覺浮雲無所著，心同止水有何情。但知瀟灑踈朝市，不要崎嶇隱姓名。盡日觀魚臨澗坐，有時隨鹿上山行。誰能拋得人間事，來共騰騰過此生。

八月十五日夜湓亭望月

昔年八月十五夜，曲江池畔杏林邊。今年八月十五夜，湓浦沙頭水館前。西北望鄉何處是，東西見月幾回圓。臨風一歎無人會，今夜清光似往年。

廬山草堂夜雨獨宿寄牛二李七庾三十二

員外

丹霄携手三君子，白髮垂頭一病翁。蘭省花時錦

帳下廬山雨夜草菴中終身膠漆心應在半路雲
泥迹不同唯有無生三昧觀榮枯一照兩成空

聞楊十二新拜省郎遙以詩賀

文昌新入有光輝紫界宮墻白粉闈曉日雞人傳
漏箭春風侍女護朝衣雪飄歌曲高難和鶴拂煙
霄老慣飛官職聲名俱入手近來詩客似君稀
有贈楊詩落句云不用更教詩過好
折君官職是聲名今故云俱入手

贈韋八

辭君雖久見君初白髮驚嗟雨有餘容鬢別來今
至此心情料取合何如曾同曲水花亭醉亦共華

陽竹院居豈料天南相見夜哀猿瘴霧宿匡廬

春聽琵琶兼簡長孫司戶

四絃不似琵琶聲亂寫真珠細撼鈴指底商風悲
颯颯舌頭胡語苦醒醒如言都尉思京國似訴明
妃厭虜庭遷客共君相勸諫春腸易斷不須聽

送韋侍御量移金州司馬

時予官
獨未出

春歡雨露同霑澤冬歎風霜獨滿衣留滯多時如
我少遷移好處似君稀臥龍雲到須先起鷺燕雷
驚尚未飛自恨東西溝水別滄溟長短擬同歸

自到潯陽生三女子因詮真理用遣妄懷

宦途本自安身拙，世累由來向老多。遠謫四年徒已矣，晚生三女擬如何。預愁嫁娶真成患，細念因緣盡是魔。賴學空王治苦法，須拋煩惱入頭陀。

江西裴常侍以優禮見待，又蒙贈詩，輒叙鄙誠，用伸感謝。

一從簪笏事金貂，每借溫顏故折腰。長覺身輕離泥半，忽驚手重捧瓊瑤。馬因回顧雖增價，桐遇知音已半焦。他日秉鈞如見念，壯心直氣未全銷。

卷終

丁籤三十九白居易

之三十九

唐音統籤卷

四百三十八

七言律詩三

長慶前集

除忠州寄謝崔相公

提拔出泥知力竭，吹噓生翅見情深。
劍鋒缺折難衝斗，桐尾燒焦豈望琴。
感舊兩行年老淚，窮恩一寸歲寒心。
忠州好惡何須問，鳥得辭籠不擇林。

初授官蒙裴常侍贈鵲銜瑞艸，緋袍魚袋因謝惠，既兼紆雜情。

新綬銅符未著緋，因君裝束始光輝。
惠深范叔綈袍贈，榮過蘇秦佩印歸。
魚綴白金隨步躍，鵲銜紅

綬遶身飛明朝戀別朱門淚不敢多垂恐污衣

初著刺史緋答友人見贈

故人安慰善爲辭五十專城道未遲徒使花袍紅
似火其如蓬鬢白如絲且貪薄俸君應惜不稱衰
容我自知銀印可憐將底用只堪歸舍嚇妻兒

行次夏口先寄李大夫

連山斷處大江流紅旆逶迤鎮上游幕下翺翔秦
御史軍前奔走漢諸侯曾陪劍履升鸞殿欲謁旌
幢入鶴樓假着緋袍君莫笑恩深始得向忠州

重贈李大夫

早接清班登玉陛同承別詔直金鑾鳳巢閣上空
身穩鶴鎖籠中展翅難流落三年應是命量移遠
郡未成官慙君獨不欺憔悴猶作銀臺舊眼看

對鏡吟

閒看明鏡坐清晨多病姿容半老身誰論情性乖
時事自想形骸非貴人三殿失恩宜放棄九宮推
命合漂淪如今所得須甘分腰珮銀龜朱兩輪

題岳陽樓

岳陽城下水漫漫獨上危樓凭曲欄春岸綠時連
夢澤夕波紅處近長安猿攀樹立啼何苦雁點湖

飛渡亦難此地唯堪畫圖障華堂張與貴人看

入峽次巴東

不知遠郡何時到猶喜全家此去同萬里王程三
峽外百年生計一舟中巫山暮足霑花雨隴水春
多逆浪風兩片紅旌數聲鼓使君賸艤上巴東

初到忠州贈李六

方回云樂天移忠州刺史從

蕭潔

守未爲惡也
氣象遽如此而

好在天涯李使君江頭相見日黃昏吏人生硬都
如鹿市井蕭疎只抵村一隻蘭船當驛路百層竹
磴上州門更無平地堪行處虛受朱輪五馬恩

京使回累得南省諸公書因以長句詩寄謝
蕭五劉二元八吳十一韋大陸郎中崔二十
二牛二李七庾二十二李六李十楊三樊大
楊十二員外

雪壓泥埋未死身每勞存問愧交親浮萍漂泊三
千里刻宿參差十五人禁月落時君待漏畚煙深
處我行春瘴鄉得老猶爲幸豈敢傷嗟白髮新

卽事寄微之

畚田澁米不耕鋤旱地荒園少菜蔬想念土風今
若此料看生計合何如衣縫紕類黃絲絹飯下腥

鹹白小魚飽煖飢寒何足道此身長短是空虛

重寄荔枝與楊使君時聞楊使君欲種植故
有落句戲之

摘來正帶凌晨露寄去須憑下水船映我耕衫渾
不見對公銀印最相鮮香連翠葉真堪畫紅透青
籠實可憐聞道萬州方欲種愁君得喫是何年

送蕭處士遊黔南

能文好飲老蕭郎身似浮雲鬢似霜生計拋來詩
是業家園忘却酒爲鄉江從巴峽初成宇猿過巫
陽始斷腸不醉黔中爭去得磨圍山月正蒼蒼

寄微之

時微之爲
虢州司馬

高天默默物茫茫各有來由致損傷
鸚爲能言長剪翅龜緣難死久搗床
莫嫌冷落拋閒地猶勝炎蒸臥瘴鄉
外物竟關身底事謾排門戟繫腰章

冬至夜

老去襟懷常濩落病來鬢髻轉蒼浪
心灰不及爐中火鬢雪多於砌下霜
三峽南賓城最遠一年冬至夜偏長
今宵始覺房櫳冷坐索寒衣託孟光

春至

若爲南國春還至爭向東樓日又長
白片落梅浮

澗水黃梢新柳出城墻閒拈蕉葉題詩咏悶取藤
枝引酒嘗樂事漸無身漸老從今始擬負風光

春江

炎涼昏曉苦推遷不覺忠州已二年閉閣只聽朝
暮鼓上樓空望往來船鶯聲誘引來花下草色勾
留坐水邊唯有春江看未厭縈砂遶石綠潺湲

房家夜宴喜雪戲贈主人

鼠頭向夜利如刀賴此溫爐軟錦袍
桑落氣熏珠翠煖柸枝聲引管絃
高酒鈎送盞推蓮子燭淚粘盤壘
蒲萄不醉遣儂爭散得門前雪片似鵝毛

初除尚書郎脫刺史緋

親賓相賀問何如
服色恩光盡反初
頭白喜拋黃
草峽眼明驚拆紫
泥書便留朱紱還
鈴閣却著青
袍侍玉除
無柰嬌癡三歲女
繞腰啼哭覓金魚

和張十八秘書謝裴相公寄馬

齒齊臙足毛頭膩
祕閣張郎叱撥駒
洗了頷花翻
假錦走時蹄
汗踢真珠青衫昨
見曾驚否紅粟難
賒得飽無丞相寄來
應有意遣君騎去上雲衢

答山侶

頷下髭鬚半是絲
光陰向後幾多時
非無解挂簪

饜意未有支持伏臘資
冒熱衝寒徒自取
隨行逐隊欲何爲
更慙山侶頻傳語
五十歸來道未遲

早朝思退居

霜嚴月苦欲明天
忽憶閒居思浩然
自問寒燈夜半起
何如煖被口高眠
唯慙老病披朝服
莫慮飢寒計俸錢
隨有隨無且歸去
擬求豐足是何年

曲江亭晚望

曲江岸北凭欄干
水面陰生日脚殘
塵路行多綠袍故
風亭立久白鬚寒
詩成闌著閒心記
山好遙偷病眼看
不被馬前提省印
何人信道是郎官

初除主客郎中知制誥與王十一李七元九
三舍人中書同宿話舊感懷

開宵靜語喜還悲聚散窮通不自知已分雲泥行
異路忽驚雞鶴宿同枝紫垣曹署榮華地白髮郎
官老醜時莫怪不如君氣味此中來校十年遲

西省對花憶忠州東坡新花樹因寄題東樓
每看闕下丹青樹不忘天邊錦繡林西掖垣中今
日眼南賓樓上去年心花含春意無分別物感人
情有淺深最憶東坡紅爛熳野桃山杏水林檎
春憶二林寺舊遊因寄郎滿晦三上人

一別東林三度春每春常似憶親情頭陀會裏爲
逋客供奉班中作老臣清淨久辭香火伴塵勞難
索幻泡身最慙僧社題橋處十八人名空一人

晚春重到集賢院

官曹清切非人境風日鮮明是洞天滿砌荆花鋪
紫毯隔牆榆莢撒青錢前時謫去三千里此地辭
來十四年虛薄至今慙舊職院名擡舉號爲賢

卜居

遊宦京都二十春貧中無處可安貧長羨蝸牛猶
有舍不如碩鼠解藏身且求容立錐頭地免似漂

流水偶人但道吾廬心便足敢辭湫隘與囂塵

題新居寄元八

青龍岡北近西邊移入新居便泰然冷巷閉門無
客到煖簷移榻向陽眠堦墀寬窄纔容足墻壁高
低粗及肩莫羨昇平元八宅自思買用幾多錢

登龍尾道南望憶廬山舊隱

龍尾道邊來一望香爐峰下去無因青山舉眼三
千里白髮平頭五十人自笑形骸紆組綬將何言
話掌絲綸君恩壯健猶難報况被年年老逼身

見于給事暇日上直寄南省諸郎官詩因以

戲贈

倚作天仙弄地仙誇張一日抵千年黃麻勅勝長
生籙白紵詞嫌內景篇雲彩誤居青瑣地風流合
在紫微天東曹漸去西垣近鶴駕無妨更著鞭

初加朝散大夫又轉上柱國

紫微今日煙霄地赤嶺前年泥土身得水魚還動
鱗鬣乘軒鶴亦長精神且慙身忝官階貴未敢家
嫌活計貧柱國勲成私自問有何功德及生人

新秋早起有懷元少尹

秋來轉覺此身衰晨起臨階盥漱時添匣鏡明頭

盡白銅餅水冷齒先知光陰縱惜難留住官職雖
多得已遲老去相逢無別計纔開笑口展愁眉

妻初授邑號告身

弘農舊縣授新封鈿軸金泥誥一通我轉官階常
自愧君加邑號有何功花牋印了排窠濕錦襪裝
來耀手紅倚得身名便慵墮日高猶睡綠窓中

酬嚴十八郎中見示

口厭含香搯厭蘭紫薇青瓊舉頭看忽驚髻後蒼
浪髮未得心中本分官夜酌滿容花色煖秋陰切
骨玉聲寒承明長短君應入莫憶家江七里灘

中書寓直

繚繞官墻圍禁林半開閭闔曉沉沉天晴更覺南山近月出方知西掖深病對詞頭慙彩筆老看鏡面愧華簪自嫌野物將何用土木形骸麋鹿心

喜敏中及第偶示所懷

自知羣從爲儒少豈料詞場中第頻桂折一枝先許我楊穿三葉盡驚人

始予進士及第行簡次之敏中又次之

轉於

文墨須留意貴向煙霄早致身莫學爾兄年五十蹉跎始得掌絲綸

予與故刑部李侍郎早結道友以藥術爲事

與故京兆元尹晚爲詩信有林泉之期周歲
之間二君長逝李住曲江北元居昇平西追
感舊遊因貽同志

從哭李來傷道氣自亡元後減詩情金丹同學都
無益水竹隣居竟不成月夜若爲遊曲水花時那
忍到昇平如年七十身猶在但恐傷心無處行

蕭相公宅遇自遠禪師有感而贈

宦途堪笑不勝悲昨日榮華今日衰轉似秋蓬無
定處長於春夢幾多時半頭白髮慙蕭相滿面紅
塵問遠師應是世間緣未盡欲拋官去尚遲疑

喜張十八博士除水部員外郎

老何歿後吟聲絕雖有郎官不愛詩無復篇章傳
道路空留風月在曹司長嗟博士官猶屈亦恐賢
人道漸衰今日聞君除水部喜於身得省郎時

江亭玩春

江亭乘曉閱衆芳春妍景麗草樹光日消百桂綠
嵐氣風墜木蘭紅露凝水蒲漸展書帶葉山榴半
開琴軫房何物春風吹不變愁人依舊鬢蒼蒼

初罷中書舍人

自慙拙宦叨清貴還有癡心怕素飡或望君臣相

獻替可圖妻子免飢寒性疎豈合承恩久命薄元
知濟事難分寸寵光酬未得不休更擬覓何官

舟中晚起

日高猶掩水窓眠枕簟清涼八月天泊處或依沽
酒店宿時多伴釣魚船退身江海應無用憂國朝
廷自有賢且向錢塘湖上去冷吟寒醉二三年

東院

松下軒廊竹下房煖簷晴日滿繩床淨各居士經
三卷榮啓先生琴一張老去齒衰嫌橘醋病來肺
滿覺茶香有時閒酌無人伴獨自騰騰入醉鄉

閒夜詠懷因招周協律劉薛二秀才

世名檢束爲朝士心性踈慵是野夫高置寒燈如
客店深藏夜火似僧爐香濃酒熟能嘗否冷澹詩
成肯和無若厭雅嗔須俗飲妓筵勉力爲君鋪

病中對病鶴

因病病夫憐病鶴精神不損翅翎傷未堪再舉塵
霄漢只合相隨覓稻梁但作悲吟和嘹唳難將俗
貌對昂藏唯應一事宜爲伴我髮君毛俱似霜

夜歸

半醉閒行湖岸東馬鞭敲鐙響瓏璵萬株松樹青

山上十里沙堤，明月中樓角，漸移當路。影潮頭欲
過滿江風歸來，未放笙歌散盡。戟門開，蠟燭紅。

臘後歲前遇景詠意

海梅半白，柳微黃，凍水初融。日欲長度，臘都無苦。
霜霰迎春，先有好風光。郡中起晚聽衙鼓。城上行
慵倚女墻。公事漸閒，身且健，使君殊未厭餘杭。

錢湖州以簪下酒，李蘇州以五醖酒相次寄
到，無因同飲，聊詠所懷。

勞將簪下忘憂物，寄與江城嗜酒翁。鑄脚三州何
處會，甕頭一盞幾時同。傾如竹葉盈樽綠，飲作麴

花上面紅莫怪殷勤醉相憶曾陪西省與南宮

歲暮枉衢州張使君書并詩因以長句報之
西州彼此意何如官職蹉跎歲欲除浮石潭邊停
五馬望濤樓上得雙魚萬言舊手才難敵五字新
題思有餘貧薄詩家無好物反投桃李報瓊琚

和薛秀才尋梅花同飲見贈

忽驚林下發寒梅便試花前飲冷盃白馬走迎詩
客去紅筵鋪待無人來歌聲怨處微微落酒氣醺
時旋旋開若到歲寒無雨雪猶應醉得兩三迴

錢塘湖春行

孤山寺北賈亭西，水面初平雲脚低。
幾處早鶯爭暖樹，誰家新燕啄春泥。
亂花漸欲迷人眼，淺草纔能沒馬蹄。
最愛湖東行不足，綠楊陰裏白沙堤。

二月五日花下作

二月五日花如雪，五十二人頭似霜。
聞有酒時須笑樂，不關身事莫思量。
羲和趁日沉西海，鬼伯驅人葬北邙。
只有且來花下醉，從人笑道老顛狂。

西湖晚歸回望孤山寺贈諸客

柳湖松島蓮花寺，晚動歸橈出道場。
盧橘子低山雨重，棕櫚葉戰水風涼。
煙波澹蕩搖空碧，樓殿參

差倚夕陽到岸請君回首望蓬萊宮在海中央

贈蘇鍊師

兩鬢蒼然心浩然松窓深處藥爐前携將道士通
宵語忘却花光盡日眠明鏡懶開長在匣素琴欲
弄半無絃猶言莊子多詞句只讀逍遙六七篇

杭州春望

望海樓明照曙霞

城東樓名望海樓

護江堤白蹋晴沙濤

聲夜入伍員廟柳色春藏蘇小家紅袖織綾誇柳

帶

杭州出柳帶花者尤佳也

青旗沽酒趁梨花

其俗釀酒趁梨花時熟號爲梨

春誰開湖寺西南路草綠裙腰一道斜

孤山寺路在湖洲中

草綠時望
如裙屐

醉中酬殷協律

泗水城邊一分散浙江樓上重遊陪揮鞭二十年
前別命駕三千里外來醉袖放在相向舞愁眉和
笑一時開留君夜住非無分且盡青娥紅燭臺

餘杭形勝

餘杭形勝四方無州俯青山縣枕湖遠郭荷花三
十里拂城松樹一千株夢兒停古傳名謝教妓樓
新道姓蘇州西霽隱山上有夢謝亭卽是杜明浦
夢謝靈運之所因名客兒也蘇小小本
錢第姓人也獨有使君年太老風光不稱白髭鬚

江樓夕望招客

海天東望夕茫茫山勢川形瀾復長
燈火萬家城四畔星河一道水中央
風吹古木晴天雨月照平沙夏夜霜
能就江樓銷暑否比君茅舍校清涼

悲歌

白頭新洗鏡新磨老逼身來不奈何
年裏頻聞故人死眼前唯覺少年多
塞鴻遇煖猶回翅江水因潮亦反波
獨有衰顏留不得醉來無計但悲歌

江樓晚眺景物鮮奇吟玩成篇寄水部張員

外

澹煙疎雨間斜陽江色鮮明海氣涼蜃散雲收破
樓閣虹殘水照斷橋梁風翻白浪花千片雁點青
天字一行好著丹青圖寫取題詩寄與水曹郎

飲後夜醒

黃昏飲散歸來臥夜半人扶強起行枕上酒容和
睡醒樓前海月伴潮生將歸梁燕來宿欲滅窓
燈却復明直至曉來猶妄想耳中如有管絃聲

早冬

十月江南天氣好可憐冬景似春華霜輕未殺萋
萋草日煖初乾漠漠沙老柘葉黃如嫩樹寒櫻枝

白是狂花此時却羨閒人醉五馬無由入酒家

歲假內命酒贈周判官蕭協律

共知欲老流年忽且喜新三假日頻闔健此時相
勸醉偷閒何處共尋春脚隨周叟行猶疾頭比蕭
翁白未勻歲酒先拈辭不得被君推作少年人

與諸客携酒尋去年梅花有感

馬上同携今日盃湖邊共覓去年梅年年只是人
空老處處何曾花不開詩思又牽吟咏發酒酣聞
喚管絃來樽前百事皆依舊點檢惟無薛秀才

去年

與薛景文同

賞今年長逝

醉送李協律赴湖南辟命因寄沈八中丞
富陽山底樟臺畔立馬停舟飛酒盃曾共中丞情
繾綣暫留協律語踟躕紫微星北承恩去青草湖
南稱意無不羨君官羨君幕幕中收得阮元瑜
內道場永謹上人就郡見訪善說維摩經臨

別言詩因以此贈

五夏登壇內殿師水爲心地玉爲儀正傳金粟如
來偈何用錢塘太守詩苦海出來應有路靈山別
後可無期他生莫忘今朝會虛白亭中發藥時

題州北路傍老柳樹

皮枯緣受風霜久條短爲經攀折頻但見半衰當
此路不知初種是何人雪花零碎逐年減煙葉稀
踈隨分新莫道老株芳意少逢春猶勝不逢春

湖上醉中代諸妓寄嚴郎中

笙歌杯酒正歡娛忽憶仙郎望帝都借問連宵直
南省何如盡日醉西湖蛾眉別久心知否雞舌含
多口厭無還有些些惆悵事春來山路見蘼蕪

自詠

悶發每吟詩引興興來兼酌酒開顏欲逢假日先
招客正對衙時亦望山勾檢簿書多鹵莽隄防官

吏少機關誰能頭白勞心力人道無才也是閒

早興

晨光出照屋梁明初打開門鼓一聲犬上階眠知
地濕鳥臨窓語報天晴半銷宿酒頭仍重新脫冬
衣體乍輕睡覺心空思想盡近來鄉夢不多成

湖上招客送春汎舟

欲送殘春招酒伴客中誰最有風情兩瓶箬下新
開得一曲霓裳初教成

時崔湖州寄新箬下酒來
樂妓索霓裳羽衣曲初畢

拂比管絃行翠袖指麾船舫點紅旌慢牽好向湖
心去恰似菱花鏡上行

唐音統籤



卷四百三十八

去

丁